

Auai i le Ekalesia o Tagata Taitoatasi o E Ua Faailoa Mai Ua Faafoliga i Le Itupa Faafeagai

MATAUPU FAAVAE TAIALA MO TAITAI I LE LOTOIFALE

O lenei pepa o faamatalaga e faaopoopo atu i aiaiga faavae o loo i le *Tusitaulima Aoa*, 38.6.23, “Tagata Taitoatasi o E Ua Faailoa Mai Ua Faafoliga i Le Itupa Faafeagai.” O lona faamoemoega o le fesoasoani lea i taitai o le lotoifale e fefautuaai ma tagata taitoatasi ma o latou aiga e uiga i ni itu faapitoa o le auai i le Ekalesia.

Taiala Lautele

I tulaga uma lava, o taitai i le lotoifale e:

- Sailia le taitaiga faaleagaga.
- Taulimaina tagata taitoatasi ma o latou aiga i le alofa ma le faaaloalo a o aoa atu upumoni o le talalelei.
- Mafaufau i manaoga o le tagata lava ia ma isi tagata o le uarota.
- Ia mautinoa e le ta’ufaatauvaaina le aoaoga faavae a le Ekalesia e uiga i itupa, pe malamalama sese ai foi.
- Sailia se fautuaga. E fefautuaa’i epikopo ma le peresitene o le siteki. E sailia e peresitene o siteki ma peresitene o misiona ia fautuaga mai le Au Peresitene o le Eria.
- Faaaofia ai matua po o e o loo vaaia tamaiti laiti.

Igoa ma Soanauna e Fiafia i Ai

O faamaumauga aloaia a le Ekalesia e atagia mai ai le itupa moni o se tagata na fanau mai ai.

O le faaogaina o igoa ma soanauna e fiafia i ai e tatau ona avea o se mataupu ua tuu atu i le va o tagata taitoatasi ma o latou aiga, uo, ma tagata o le Ekalesia. E le tatau i taitai i le lotoifale ona filima’otia pe faatonuina foi le auala e faalagi ai e tagata o le ekalesia se tagata.

Afai e i ai se igoa e fiafia i ai se tagata, e mafai ona faailoa i le avanoa o le “Igoa e Fiafia I Ai” i luga o le pepa faamaumau.

Itupa-Sauniga/Fonotaga ma Gaoioiga Patino

E auai tagata taitoatasi i sauniga/fonotaga ma gaoioiga patino e ogatasi ma o latou itupa na fananau mai ai.

Soo se tuusaunoaga lava, lea e seāseā tupu, e tatau ona mulimuli i “Taiala Lautele” o loo lisiina i luga a’e, ma ia faamaonia e le Au Peresitene o le Eria.

Gaoioiga e Faasoloatoa ma le Po

Mo gaoioiga e faia faasoloatoa ma le po mo se itupa patino, e auai tagata taitoatasi i na o tolauapiga lava e ogatasi ma o latou itupa na fananau mai ai. O faataitaiga o na gaoioiga e aofia ai tolauapiga a Tamaitai Talavou ma tolauapiga a korama a le Perisitua Arona.

Mo gaoioiga e faia faasoloatoa ma le po e le mo se itupa patino, o tagata taitoatasi o e fai taotoga, faafomai, po o suiga faaagafesootai e fesui ai ese ai mai o latou itupa na fananau mai ai, e tuua le gaoioiga i le po. E faamatuu atu le autalavou i le vaaiga a se matua po o se tagata e vaavaaia faaletulafono, o le e nafa ma le faatulagaina o mea e nonofo ai. O faataitaiga o gaoioiga e le mo se itupa patino e aofia ai konafesi a talavou nofofua matutua, konafesi Mo Le Malosi o le Autalavou, ma konafesi a le autalavou.

O Valaauga ma Tofitofiga

O tagata taitoatasi e fai taotoga, faafomai, po o suiga faaagafesootai e fesui ai ese ai mai o latou itupa na fananau mai ai, e le valaauina pe tofia e (1) faataunuuna matafaioi patino o itupa, (2) auauna atu o ni faiaoga, pe (3) galulue ma tamaiti po o le autalavou. E mafai ona latou maua isi valaauga po o tofiga e maua ai avanoa e alualu ai i luma ma auauna atu ai i isi.

Fale Lē Ta’ua i Fale ma Fanua o le Ekalesia

E tatau ona maua i fale lē ta’ua se siosiomaga patino ma le saogalemu. E tatau ona i ai le faaeteetega e faaaloalogia ai tulaga patino ma le mamalu o tagata taitoatasi uma.

O tagata taitoatasi e fai taotoga, faafomai, po o suiga faaagafesootai e fesui ai ese ai mai o latou itupa na fananau mai ai, e tatau ona faaoga se fale lē ta’ua lea e na o le toatasi le tagata e mafai ona faaogaina i le taimi pe a maua.

Afai e le o i ai se fale lē ta’ua lea na o le toatasi le tagata e mafai ona faaogaina i le taimi, e feutagai se taitai i le lotoifale ma le tagata (ma matua po o e o loo vaaia se talavou) e saili se auala e foia ai. O filifiliga e aofia ai:

- Faaoga se fale lē ta’ua e ogatasi ma le itupa o le tagata na fanau mai ai.
- Faaoga se fale lē ta’ua e fetui ma lagona o le tagata lava ia i totonu o le itupa, faatasi ai ma se tagata faatuatuaaina e faamautinoa ai e le faaogaina e isi le fale lē ta’ua i le taimi e tasi.